

族譜序

痛矣吾宗之衰也坡平之裔實爲我東之巨族而一自野城君派別之後既無一人出而鳴世其柯葉又不得蕃衍如今存者其麗未百庶幾墜青氈之業况望其克紹前烈乎惟其如是故記世之譜只有一本而回祿於中世以致野城君以上未詳世次當時文獻之踈略亦不幾於杞不足徵乎今時衡悲世業之頽墜又懼來世之愈遠而愈失其傳也忘其諛陋修而釐之考據乎記籍袞輯乎見聞詳於吾之所自出又記其他可徵者別錄于後安知有博見洽聞如子長者出于來世得因此而有所考證元本以能紹我玄烈之緒賁我零替之族乎此吾譜之所以爲作而深有望於來世者也嗚呼古人曰一人之身分而至於塗人又曰自吾祖宗視之則均是子孫悲哉此言也今吾族衰微若此然而孝悌之道睦婣之行乃人之良知而初各得於天者不以貧賤富貴而豐嗇焉此吾祖先之世守者也觀吾譜者庶幾有興感而以其得於天者各自勉焉母負祖先亦幸矣 孝宗十二年辛丑二月下澣雲孫時衡謹識

甚矣吾宗之衰也我尹本出坡平而自野城派別之後記世之譜不幸回祿於中世子孫之散居他鄉者惟知野城之裔而未詳系出流來矣歲辛丑先王考憂菴府君愍然傷之攷流傳之記籍證古今之聞見只記所自出之祖以成譜牒而子姓之衰微未振愈往愈甚迄今五十年之間記譜中絕世者居多豈不悲哉雖然修譜烏可已乎蓋譜者不以貧富貴賤取舍而亦嘗記實而傳信使後來子孫詳本源之所自明系派之所分知祖先之興替子孫之衰旺是作譜之意而世之爲譜者或冒妄傳會慕華貴諱寒微者比比焉是

欺祖先而罔子孫何由徵信而攷實哉惟其如是故採敢忘其諛陋以續先王考之所纂而略加聞見修而釐之以俟來世之有意於是譜者也嗚呼盈虛消長之道否泰盛衰之運是固循環底理則天豈獨嗇於吾宗而其無回泰之日耶惟我同譜之人其於尊祖敬宗之誠孝友睦婣之行尤各勉旃更紹前業重光祖宗幸矣 上之三十四年戊子暮春上浣后孫採謹識

族之修譜所以溯源沿流叙倫講誼之美事也噫我姓譜中世失火野城君以上世系無徵故闕修者久矣始至 顯廟二年辛丑曾王考憂菴府君深懼世代愈遠其愈失其傳於是稽古籍述舊聞以野城君爲中祖而修系焉後四十八年戊子伯考追遠堂府君紹述不替而第以本源世系未承爲百世子孫之痛恨矣適於數十年前癸未修譜時以曹滕宗魯之義託我續修之意而將爲廣布傳後之計及見刊本則疎略殊甚而今距戊子亦八十年矣其間實蹟無所考證則改修之舉豈容少緩於是追遠堂曾孫東憲發議修單屬我改修而盡其刊本之未盡者則不可不叙其事而其事小史也豈敢一字妄着自犯於欺先誣後之罪哉用茲十分慎重先代實蹟則謹依舊註至於近世行誼之身親熏煮而心素敬服者畧記其字號之下生卒年及墓所坐向則極其詳悉足爲後世之所徵信者此吾譜所以改修之義也嗚呼歷攷野城君年代則今過四百餘年而古牒爲後裔者或居南居北云此實錄也豈止吾一派而已哉但宗中無博洽者漠未聞知不勝慨然噫吾宗寒士族也古人詩曰朝無寒士達寒士之不達自古然矣是不足羞而第自悖德忝先辱親愧莫甚焉敢不警惕願我諸宗各先自修於日用彝倫不墜世來志行則視榮

達者何遠之有哉不肖年今垂死謹述舊譜兩序之意而以是深有望於來世云爾 上
之十一年春三月上澣后孫思進謹識

國朝以來族姓之譜自中葉槩多闕如其或微而不振文獻不足徵或孤子僅存一經燒
燼無復考據而然歟蓋歷數千載昭著史乘系屬不紊百家而不一二焉坡平之尹自麗
代赫赫蟬聯顯至于今於戲盛矣吾先系野城君以上蕩燼兵燹魯史有闕杞文無徵先
輩之苦心詢撫非不廣博而猶涉疑信祇取近而且詳斷自野城君傳錄爲譜憂菴篁林
追遠堂先生序文備矣自初祖計世承接癸亥墳菴修譜始焉吾王考紹遠堂府君泊梅
谷晚松諸公汲汲於泝本明系實有攷據者也今不肖續修更何有疑於傳信哉噫明允
之祖實爲長史而不錄者尼於未詳正倫之貫別於城南而同譜者嫌於陰附世之論者
謂二家俱失而說約乎明允則務博乎正倫矣家傳私錄子孫散居南北陽務安襄而遠莫
其詳今於大同合譜未見有一人同派者或蘇徙眉州而爲眉人杜依城南而入其譜者
耶是所慨歎既有大譜則奚復小譜爲各派蕃衍卷帙浩鉅若將充棟寔家弄難矣萬斛
之重而分之則輕舉百川之流而合之爲巨浸使各宗各自近而爲譜則其事易就而合
而看之即大譜也謀與族叔相堯相憲氏修錄派譜丙編以上依大譜以下祇修直系編
成一弓工省而攷閱便譜豈徒然哉禮不忘本樂樂其所生嗚呼一其根而榮悴殊有南
北阮之別何哉上下屢百年間無宦顯榮達而以隱德行義經學文章屢蒙 袞褒爲世
推重雖衰亦盛矣今其柯葉未敷風猷將泯以來世視今日則不可謂不振矣乎修譜非
難能教其子孫講其譜此爲難耳豈不懼哉亦不重哉同吾譜者悖孝悌尙忠義崇儒學

上以體祖先均視之親下以迺來昆繼述之道各自勉旃則其於追先悖宗之外所及者
廣矣是以爲吾譜序

歲庚申之嘉平月上澣后孫奎炳謹識

先世事蹟

端人南氏遺事記略

端人姓南氏籍英陽英毅公諱敏其始祖也 國初有諱得恭官至郡守自慶州來居蔚珍縣南蘇老里是於
端人爲五代祖高祖諱蒼中司馬登武科行樂安府使曾祖諱繼顏生員祖諱稼考諱公範司直妣巨濟潘氏
淑之女端人生於正德丙子三月二十三日旣笄歸于我六代祖考從仕郎府君府君姓尹氏諱汝虎字子武
野城君諱赫之後也考諱耘叅奉妣順興安氏護軍文祖之女府君生於正德己卯世居平海卒於嘉靖己酉
十月二十五日時端人年三十四有二孤長諱希聖生甫七歲次諱師聖其年生端人痛念二孤之無所依抑
情終喪顧故宅喪威稠疊爲保遺孤寄于司直公所居里端人以不克持門戶爲憂篤志勤力於紡績之業措
備布帛用爲資計所寓水西有山下里卽今之梅野里也西負高崗東臨平野此可居也嘉靖戊午移于此以
占上下田原益修蠶桑之務稍成家業二子俱以廉幹勤勅聞於鄉壬辰之亂端人孳家衆避於屋後崖谷林
藪中得全焉二子又不幸先喪端人撫教諸孫尤爲勤至長孫諱夢說有志行令就學于大海黃公應清門端
人年踰耄而氣力猶康萬曆壬子二月二十三日以天年終距公卒六十四年享年九十七矣以端人之懿德
純誠居寡而教訓子孫占基成就之際言可以爲範行可以貽後者固不可一二數而世代寔遠文籍散逸未
舉其萬一嗚呼惜哉然而子孫之家於此者世踰七八年近二百而猶綿延不替倘非定基之初樹德之深何
能若是耶先君每以端人遺蹟之泯沒惕然有傷于心圖所以撰次而詔後一病十年未遑於此遂成千古之
恨痛哉痛哉今不肖敢取端人遺券及家藏舊錄泝而攷之叙其大要如右云爾 端人沒後一百二十九年
庚申五月日六世孫思遠繼述謹識

坡平尹氏世譜卷之一

甲編

一世

始 尹莘達

一名莘幸佐高麗太祖
祖統合三韓為壁上
三韓翊贊功臣三重
大匡太師○墓在慶
州杞溪縣伐治洞九
峰山西坐之原舊失
傳 英廟己未二十
五世孫鳳廷為營將
始得碑片改封瑩
域立表石二十五世
孫吏曹判書惠教撰
二十四世孫慶州府
尹蒙貞書

二世

子先之

壁上三韓功臣○墓
在豐德中面食峴里
五陵洞寅坐之原舊
失傳 正廟己亥二
十五世孫承旨塾壽
得石刻古誌於封瑩
之內新立表石二十
五世孫吏曹判書東
暹撰二十五世孫大
司諫勉升書

三世

子金剛

尚書省左僕射○墓
在食峴先墓下十步
許全原亦舊失傳與
上墓同時得石誌新
立表石二十四世孫
工曹判書東哲書

四世

子執衡

檢校少府少監贈尚
書省右僕射諡文靖
與覽不言贈○墓在
延安雲達洞子坐之
原舊失傳 純廟丁
卯因二十三世孫藝
所告尋得墳誌改封
瑩域庚寅立表石二
十六世孫鎰原君行
直撰二十五世孫嘉
判尙書書

五世

子 璿

字同玄文宗朝文科
魁推忠佐理平戎拓
地鎮國功臣附府卿
同三司守太保門下
侍中判尚書吏兵刑
部事知軍國重事監
修國史上柱國鈴平
縣開國伯食邑二千
五百戶食實封三百
戶初諡文敬改文肅
宋政和辛卯五月初
八日己卒有史傳
配享廟廟我朝
配享崇義殿○配仁
州李氏父上將軍成
幹祖大將軍訥會祖
左僕射贈郡城縣開
國伯諡謙○墓在坡
州英修院北良原為
沈相之源家所冒占
英廟甲申尋得折碑一
段改封瑩域立表石
二十一世孫工曹判
書鳳九撰二十二世
孫大司憲東暹書前
面二十二世孫大司

六世

子彥仁

閣門祗候○配韓氏
父祗候愷

七世

子億瞻

億一云億

子德瞻

乙地
下全

子失名

大禪師

子確瞻

子仲瞻

子玄規

僧統

子奇瞻

子興壽

三重

女金正純

參政

子彥巖

一云

巖首座與王寺住持

子失名

禪師

子彥植

守司空左僕射己巳
五月庚戌卒見臨史

子平壽

乙地

子雲辨

禪師

子具瞻

內侍

○配慶州金氏父工
部郎自瑀祖僕射之